

LAS SCHIBETTAS DAL MAIS

da P.



CHRIS WHITLEY «SOFT DANGEROUS SHORES»

Ils 20 da november da quest (2005) onn è el mort cun 45 onns da cancer, igl electric singer/songwriter texan CHRIS WHITLEY – sco tip per tuts vus che vais manchentà el durant sia vita, l'entira discografia da CHRIS WHITLEY è in must!

www.chriswhitley.com

R.I.P



THE FALL OF TROY «GRENZGÄNGER»

Emblidai THE MARS VOLTA, fimai AT THE DRIVE IN!!!!

THE FALL OF TROY, trio american, èn buns per isteria, virtuosidad e canera che lascha veser ora veglianders ils sura numnai!

«grenzgänger» è il segund album da THE FALL OF TROY, in'ovra che tuna davair sco nagut auter! La musica da quella combo regorda en in mument a bands sco MUSE, en in auter a metal progressiv à la DREAM THEATRE e sco davos qua e là anc a chaussas malspirtadas sco THE MARS VOLTA. Darar è ina band stada buna da pachetar uschi blers elements en chanzuns, e quai senza esser a la fin finala nagut auter ch'èn «huera gewichse»...! THE FALL OF TROY èn abels, oooooohhhh gie, els èn abels!

9 STAILAS A MEZ!!!!

JAMIE CULLUM «CATCHING TALES»

Piano-jazz wunderkind englaies JAMIE CULLUM metta la scena da jazz sin il chau, interpretescha standard songs cun elements da Nirvana, lascha tunar pophits jazzig e sfratga in clavazin suenter l'auter...!

Tenor insiders pon ins cumparegliar Cullum cun il cuschinier Oliver – a la fin finala èn omisdus Jamies anarchists en in conturn plain reglas e scumonds. Ed a la fin finala tunan las interpretaziuns sco era las atgnas chanzuns da Cullum uschia sco las tratgas da Oliver! Nevermind the bollocks! God save the Jamies!

8 STAILAS

